

HDZ nije implementirao reformu obrazovanja

Zbog propusta ministra obrazovanja Nikole Lovrinovića (HDZ) da ispoštuje rok za izdavanje Uputstava za početak racionalizacije školske administracije u Srednjobosanskom kantonu, visoki predstavnik Paddy Ashdown je danas donio Direktivu kojom se umanjuje financiranje HDZ na državnom i federalnom nivou, kao i u Srednjobosanskom kantonu.

Racionalizacijom školske administracije će se ukinuti skupo dupliciranje i omogućiti da se dodatni novac troši na sredstva koja su nastavnom osoblju i učenicima neophodna za poboljšanje nastavnog procesa.

Direktiva visokog predstavnika podrazumijeva da će se sredstva za HDZ iz budžeta BiH za fiskalnu 2004. godinu (koja se izdvajaju za političke stranke u Parlamentarnoj skupštini Bosne i Hercegovine, Parlamentu Federacije i Kantonalnoj skupštini u Srednjobosanskom kantonu) umanjiti za pet procenata. Visoki predstavnik smatra da je opstrukcija, koja je prisutna u obrazovnoj politici HDZ-a u Srednjobosanskom kantonu, proizvod tijesne koordinacije između HDZ-a Srednjobosanskog kantona i dužnosnika HDZ-a na federalnom i državnom nivou.

U komentaru na ovu opstrukciju, visoki predstavnik je rekao: "Stavljanje tačke na pitanje administrativnog dupliciranja vidim kao lakmus test za bh. opredijeljenost za Evropu i opredijeljenosti HDZ-a za reformu obrazovanja. Ove reforme će osloboditi prijeko potrebna sredstva koja će se trošiti na nastavnike i učenike, a ne na birokraciju." Visoki predstavnik je zatim dodao da "reforme neće utjecati na nastavni plan i program te nastavu na hrvatskom jeziku", i opisao ih je kao "test ozbiljnosti HDZ-a u pogledu reformi prema evropskim

standardima.”